

Na osnovu člana 32. stav (1) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 1/22), a u skladu sa tačkom V. 7.6. Programa utroška sredstava planiranih Budžetom Zeničko-dobojskog kantona za 2022. godinu u Ministarstvu za rad, socijalnu politiku i izbjeglice, broj: 02-11-1194/22 od 20.01.2022. godine, ministrica Ministarstva za rad, socijalnu politiku i izbjeglice Zeničko-dobojskog kantona raspisuje

**JAVNI POZIV
za finansiranje i sufinansiranje rada javnih kuhinja na području Zeničko-dobojskog
kantona za 2022. godinu**

I. PREDMET JAVNOG POZIVA

Predmet javnog poziva je prikupljanje prijava udruženja, vjerskih organizacija i organizatora rada javnih kuhinja na drugom nivou vlasti.

Raspodjela sredstava vršit će se prema Programu utroška sredstava sa razdjela 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu, pozicija „Tekući transferi neprofitnim organizacijama“, ekonomski kod 614300.

II. PRAVO UČEŠĆA

Pravo učešća u javnom pozivu imaju udruženja, vjerske organizacije i organizatori rada javnih kuhinja na drugim nivoima vlasti, koji organizuju rad javnih kuhinja za pripremanje i distribuciju obroka socijalno ugroženim osobama tokom 2022. godine na području Zeničko-dobojskog kantona.

III. USLOVI ZA ODABIR

Novčana sredstva iz tačke I. Javnog poziva dodjeljuju se na temelju dokazanih sljedećih uslova:

1. registracija kod nadležnog općinskog/gradskog, kantonalnog ili federalnog organa ili izjava ovlaštenog lica organizatora rada javnih kuhinja na drugom nivou vlasti o pružanju predmetnih usluga;
2. pružanje usluga javne kuhinje za građane na području Zeničko-dobojskog kantona;
3. raspoloživih kapaciteta i broja korisnika usluga javne kuhinje;
4. saradnje sa nadležnim centrom za socijalni rad, odnosno gradskom/općinskom službom o pružanju usluga javne kuhinje;
5. izvještaj o namjenskom utrošku sredstava za 2021. godinu i plan rada i utroška sredstava za 2022. godinu.

IV. POTREBNA DOKUMENTACIJA

Zahtjev se podnosi Ministarstvu za rad, socijalnu politiku i izbjeglice na prijavnom obrascu, koji se može preuzeti na web stranici Vlade Zeničko-dobojskog kantona (www.zdk.ba) ili u Ministarstvu za rad, socijalnu politiku i izbjeglice Zeničko-dobojskog kantona.

Uz čitko popunjen, potpisan i ovjeren prijavni obrazac obavezno je dostaviti sljedeću dokumentaciju:

1. dokaz o registraciji kod nadležnog organa i eventualne izmjene i dopune ili izjava ovlaštenog lica organizatora rada javnih kuhinja na drugom nivou vlasti o pružanju predmetnih usluga;
2. uvjerenje o poreznoj registraciji (ID broj);
3. potvrdu banke o solventnosti računa;
4. plan rada i utroška sredstava javne kuhinje za 2022. godinu;
5. dokaz o saradnji (potvrda, protokol, sporazum i sl.) sa nadležnim centrom za socijalni rad, odnosno gradskom/općinskom službom o pružanju usluga javnih kuhinja;
6. dokaz o realizovanim ranijim projektima vezanih za rad javne kuhinje ili dokaz o kapacitetima za pružanje usluga javne kuhinje;
7. dokaz o kontroli zdravstvene ispravnosti hrane (ugovor sa Institutom za zdravlje i sigurnost hrane ili Domom zdravlja);
8. dokaz o izmirenju (direktnih) poreskih obaveza;
9. izvještaj o utrošku sredstava dodijeljenih od ovog Ministarstva u 2021. godini (ukoliko isti nije ranije dostavljen).

Traženi dokumenti moraju biti originali ili ovjerene kopije kod nadležnog tijela.

Ministarstvo nema obavezu vraćanja dostavljene dokumentacije podnositeljima prijave. Prijave na Javni poziv neće se razmatrati ukoliko nisu blagovremeno podnesene i iste će se vratiti podnosiocu neotvorene.

Nepotpune prijave Komisija će odbaciti i o tome obavijestiti podnosioca.

V. ODABIR

Odabir podnosioca prijava za finansiranje i sufinansiranje programa rada javnih kuhinja na osnovu ovoga javnog poziva vršit će Komisija koju imenuje ministrica Ministarstva za rad, socijalnu politiku i izbjeglice.

Komisija razmatra zaprimljene prijave u skladu sa Pravilnikom o ocjeni ispunjenosti uslova i kriterija za odobravanje novčanih sredstava koji donosi Ministrica.

Javni poziv objavljuje se na web stranici Vlade Zeničko-dobojskog kantona: www.zdk.ba i u dnevnim novinama Dnevni avaz.

Obrazac za prijavu se može preuzeti na www.zdk.ba ili u Ministarstvu za rad, socijalnu politiku i izbjeglice Zeničko-dobojskog kantona.

Rok za dostavljanje prijave je 15 dana od dana objave Javnog poziva u dnevnim novinama.

Prijave na Javni poziv sa pratećom dokumentacijom obavezno dostaviti u zatvorenim kovertama na adresu:

ZENIČKO-DOBOJSKI KANTON
MINISTARSTVO ZA RAD, SOCIJALNU POLITIKU I IZBJEGLICE
„Javni poziv za finansiranje i sufinansiranje rada javnih kuhinja na području Zeničko-
dobojskog kantona za 2022. godinu“
Kučukovići br. 2, 72000 Zenica
sa naznakom:
NE OTVARAJ

**Prijavni obrazac za učešće na Javnom pozivu
za finansiranje i sufinansiranje rada javnih kuhinja na području Zeničko-dobojskog kantona za
2022. godinu**

1. Osnovne informacije o podnosiocu prijave:			
Naziv podnosioca prijave:			
Adresa:			
Kontakt podaci za:	Telefon/Fax:	Br. mobitela:	E-mail:
- Ovlaštenu osobu			
- Kontakt osobu			
Identifikacijski broj:			
Transakcijski račun banke:			
Naziv banke:			
Uz ovaj obrazac, priložena je sljedeća zahtjevana dokumentacija (označiti u predviđenom mjestu):	Dokaz o o registraciji kod nadležnog organa i eventualne izmjene i dopune ili izjava ovlaštenog lica organizatora rada javnih kuhinja na drugom nivou vlasti o pružanju predmetnih usluga		
	Uvjerjenje o poreznoj registraciji (ID broj)		
	Potvrda banke o solventnosti računa		
	Plan rada i utroška sredstava javne kuhinje za 2022. godinu		
	Dokaz o saradnji (potvrda, protokol, sporazum i sl.) sa nadležnim centrom za socijalni rad, odnosno gradskom/općinskom službom o pružanju usluga javnih kuhinja		
	Dokaz o realizovanim ranijim projektima vezanih za rad javne kuhinje ili dokaz o kapacitetima za pružanje usluga javne kuhinje		
	Dokaz o kontroli zdravstvene ispravnosti hrane (ugovor sa Institutom za zdravlje i sigurnost hrane ili Domom zdravlja)		
	Dokaz o izmirenju (direktnih) poreških obaveza		
	Izveštaj o utrošku sredstava dodijeljenih od ovog Ministarstva u 2021. godini (ukoliko isti nije ranije dostavljen)		
2. Osnovne informacije			
Prijedlog aktivnosti:			
Obrazloženje o ekonomskoj ili društvenoj opravdanosti aktivnosti:			
Pregled kapaciteta za provođenje aktivnosti u vezi s javnom kuhinjom (oprema, prostor i osoblje)			
Broj stalnih korisnika javne kuhinje:			
Očekivani iznos sredstava iz Budžeta ZDK (KM):			

Datum: _____

M.P.

Ovlaštena osoba
podnosioca prijave